



SAKRAMENTET E KISHËS KATOLIKE



SAKRAMENTET E KISHËS KATOLIKE



- **BURIMET ZYRTARE:**

Websiti zyrtar i Katekizmit të Kishës Katolike: Vatican.va

Websiti zyrtar i Urdhrit Domenikan www.amici.domenicani.it;
RUBRICA: UN SACERDOTE RISPONDE; në të cilin besimtarët i bëjnë pyetje të shumëllojshme priftit domenikan, profesor teologjie, tomisti Atë Angelo Bellon;

Websiti zyrtar i priftit italian Don Leonardo Maria Pompei, prift i Kishës Katolike Romane: *In Voluntate Dei*

SAKRAMENTET E KISHËS KATOLIKE



Sakrament = shenjë e shenjtë



SAKRAMENTI I KUNGIMIT



ÇFARË ËSHTË KUNGIMI?

- Eukaristia e shenjtë plotëson rrugëtimin e krishterë, i cili nis me sakramentin e pagëzimit, thellohet më shumë nëpërmjet krezimit, dhe së fundmi nëpërmjet këtij sakramenti bëhemi pjesë e Sakrificës së Birit të Hyjit, Jezusit.
- Është qendra e Kishës Katolike, burimi dhe kulmi i të gjithë jetës së krishterë, pasi në Eukaristinë janë të gjitha të mirat shpirtërore të Kishës, sepse gjendet **vetë Jezu Krishti**.
- Nuk ka sakrament më të lartë e më të madh se sa **VETË JEZU KRISHTI** në Sakramentin e Shenjtë të Eukaristisë.





Si quhet ndryshe ky Sakrament?

Eukaristi, pra falenderim ndaj Hyjit



- **Darka e Zotit**, pasi është darka që Jezusi ka ngrënë e ka konsumuar, darka e fundit, sikur pwrshkruhet në Mateu 26, 17-20; Marku14, 12-17; Luka 22, 7-15; Gjoni 13, 12-30) pak para Mundimit të tij


Si quhet ndryshe?

Le të galdojë e të brohorasim dhe ti japim lavdi Atij, sepse erdhi Dasma e Qengjit! Gati është Nusja e tij! 8 lu dha të vishet me li të hollë, të shkëlqyeshëm dhe të pastër!« Petku i lirit shembullon veprat e drejta të shenjtërve. Atëherë më tha: »Shkruaj! Të lumët ata që janë të thirrur në gostinë e dasmës së Qengjit!« Dhe shtoi: »Këto janë fjalë të vërteta të Hyjit«. (Zbulesa 19, 7-9)

Si quhet ndryshe?

Thyerja e bukës, pasi këtë ritual hebraik e përdorte edhe Jezusi, sidomos në darkën e fundit, për të bekuar e për të ndarë bukën, si i pari i tryezës. Kujtojmë dishepujt e Emausit, që e njohin Jezusin e ringjallur pikërisht nga kjo shenjë:

Po atë ditë, dy prej tyre, po shkonin në një fshat që quhet Emaus e është larg Jerusalemit gjashtëdhjetë stadije. Ata bisedonin me njëri-tjetrin për të gjitha këto ngjarje. Dhe ndodhi që, ndërsa ata po flisnin e po bisedonin kështu, vetë Jezusi u afrua dhe po ecte me ta. Por sytë e tyre ishin të penguar ta njihnin... Kur u ul me ta në tryezë, mori bukën, u falënderua, e theu dhe ua dha. Atyre iu hapën sytë dhe e njohën... (Luka 24, 13-35)



Si quhet ndryshe?

Asemble eukaristike, pasi celebrimi eukaristik bëhet në të ashtuquajturën asamble, pra bashkësia e njerëzve që merr pjesë në meshë, shenjë e dukshme e Kishës.






Si quhet ndryshe?

Memoriali (përkujtimi) i vdekjes dhe i ngjalljes së Jezu Krishtit

Si quhet ndryshe?

Sakrifica e shenjtë, sepse aktualizon një të vetmen
Sakrificë të Jezu Krishtit



Si quhet ndryshe?



- **Liturgjia e shenjtë (hyjnore)** sepse është liturgjia qendrore dhe më e rëndësishme e Kishës.

Si quhet ndryshe?

I Shenjtërueshmi Sakrament
sepse është sakramenti më i
rëndësishëm, sakramenti i
sakramenteve, qendra e të
gjitha sakramenteve të tjera.
Në fakt, më specifikisht, me
këtë emër ne quajmë speciet
eukaristike që ruhen në
tabernakull.



Si quhet ndryshe?

Kungimi, një term tjetër shumë i përdorur






Si quhet ndryshe?

Mesha e Shenjtë

termi me të cilin njihet më mirë ky sakrament

Mesha kremtohet përditë.

Mesha vjen nga latinishtja missio, pra dërgimi, meqë pasi kremtohej ky sakrament i shenjtë, besimtarët dërgoheshin në jetën e tyre të përditshme për të jetuar atë që thuhet e kryhet gjatë meshës, jo vetëm për ta dëgjuar.



Bota mund të qëndrojë
pa diellin, por jo pa
Meshën e Shenjtë.

Shën Padre Pio

ÇFARË NDODH NË TË VËRTETË GJATË MESHËS SË SHENJTË?

Mesha e Shenjtë është event i më i rëndësishëm në këtë botë dhe në jetën e një njeriu në të cilin mund të marrim pjesë ndonjëherë, nqs e shikojmë me sytë e fesë së krishterë.



Nqs njerëzit do të dinin se çfarë është me të vërtetë mesha dhe çfarë ndodh gjatë asaj, do të duhej policia jashtë çdo kishe gjatë kremtimit të saj për të ruajtur rendin prej turmave të pafundme të njerëzve!

Shën Padre Pio



Mesha e Shenjtë është e përbërë nga dy pjesë të rëndësishme që përcaktojnë një akt të vetëm kulturi hyjnor:

Liturgjia e Fjalës



Liturgjia Eukaristike



Ritet Fillestare të Meshës

- **Akti i vënies në praninë e Zotit**

Mesha fillon me shenjën e Kryqit:

Në emër të Atit e të Birit e të Shpirtit Shenjt.

Amen.

- Atëherë meshtari, duke i shtrirë duart, përshëndet popullin, duke thënë:

Zoti qoftë me ju.

- Populli përgjigjet:

Dhe me shpirtin tënd.



Ritet fillestare të Meshës

- Akti penitencial (puna e pendimit)

Po i rrëfhem Hyjit të gjithëpushtetshëm dhe juve, o vëllezër, se kam mëkatnuar shumë me mendime, me fjalë, me vepra dhe me lëshime: (Dhe duke e rrahur kraharorin, thuhet) për fajin tim, për fajin tim, për më të madhin fajin tim.

(Atëherë vazhdohet):

Prandaj po i porositem së lumes Mari gjithmonë Virgjër, të gjithë engjëjve, shenjtërve, dhe juve, o vëllezër, që t'i luteni për mua Zotit, Hyjit tonë.



Ritet fillestare të Meshës

- **Himni "Lavdi Hyjit në lartësitë qiellore"**
(kur është e përcaktuar):

Lavdi i goftë Hyjit në lartësitë qiellore e paqe njerëzve vullnetmirë mbi tokë. Ne po të lëvdojmë, po të bekojmë, po të adhurojmë, po të madhërojmë, po të falenderojmë për lavdinë tënde të pakufi. Zot Hyj, Mbret qiellor, Hyj Atë i gjithëpushtetshëm. Zot, Bir i Njëlindur, Jezu Krisht, Zot Hyj, Qengji i Hyjit, Biri i Atit, Ti që shlyen mëkatet e botës, ki mëshirë për ne, Ti që shlyen mëkatet e botës, pranoje lutjen tonë. Ti që rri në të djathtën e Atit, ki mëshirë për ne. Sepse ti vetëm je Shenjti, ti vetëm Zoti, Ti vetëm gjithë i Larti, o Jezu Krisht, së bashku me Shpirtin Shenjt: në lumturinë e Hyjit Atë. Amen.



Liturgjia e Fjalës

Leximet e Shkrimeve të Shenjta

ku përfshihen "shkrimet e profetëve" (nga Dhjata ose Besëlidhja e Vjetër) dhe "kujtimet e apostujve" (nga Dhjata ose Besëlidhja e Re) pra letrat e tyre dhe Ungjiit



Liturgjia e Fjalës

Homilia e atij që kremton Meshën (që duhet mbajtur të dielën dhe në festat e urdhëruara, në ditët e tjera është e porositur të bëhet, por jo e detyrueshme)



Liturgjia e Fjalës

Shpallja e fesë ose Symbolum Apostolorum
(të dielën e në festat e urdhëruara)

Besoj, në Hyjin, Atin e gjithëpushtetshëm, Krijuesin e qiellit e të tokës. E në Jezu Krishtin, birin e tij një të vetmin, Zotin tonë, i cili u zu për virtyt të Shpirtit Shenjt. U lind prej Virgjërës Mari, pësoi mundimet nën Poncin Pilat, u vu në Kryq, vdiq e u varros, zbriti në ferr; të tretën ditë u ngjall së vdekuri; u ngjit në qiell, rri në të djathtë të Hyjit, Atit të gjithëpushtetshëm; andej do të vijë për të gjykuar të gjallët e të vdekurit. Besoj në Shpirtin Shenjt, Kishën e shenjtë Katolike, shoqërinë e shenjtërve, faljen e mëkateve, ngjalljen e korpit dhe jetën e pasosur. Amen!



Liturgjia e Fjalës

- **Lutja universale (e besimtarëve)**



Liturgjia Eukaristike

Oferta e bukës dhe e verës

Meshtari: I bekuar je ti, o Zot, Hyj i gjithësisë: prej bujarisë sate e morëm bukën që po ta kushtojmë; është fryt i tokës dhe i punës së duarve të njerëzve, që do të bëhet për ne buka e jetës së pasosur.

Atëherë e ul patenën me bukë në korporal. Në fund populli mund të brohoritë:

Qoftë bekuar Zoti në amshim.

Meshtari: I bekuar je ti, o Zot, Hyj i gjithësisë: prej bujarisë sate e morëm verën që po ta kushtojmë; është fryt i hardhisë dhe i punës së duarve të njerëzve, që do të bëhet për ne pije shpirtërore.

Në fund populli mund të brohoritë:

Qoftë bekuar Zoti në amshim.

Mandej, në mesin e lterit, me fytyrë kah populli, duke i shtrirë dhe duke i bashkuar duart, meshtari thotë:

Lutuni, o vëllezër e motra, që flia ime dhe e juaja të dalë e pëlqyeshme para Hyjit, Atit të gjithëpushtetshëm.

Populli përgjigjet:

Zoti e pranoftë flinë prej duarve të tua, e ajo daltë për lavd e lumturi të emrit të tij, si edhe për dobi tonë dhe të mbarë Kishës së tij të shenjtë.



Liturgjia Eukaristike

Lutja Eukaristike I:

Meshtari: Zoti qoftë me ju.

Populli përgjigjet: Dhe me shpirtin tënd.

Meshtari, duke lartësuar duart, vazhdon: T'i lartësojmë zemrat.

Populli: I kemi te Zoti.

Meshtari, me duar të shtrira, shton: Të falënderojmë Zotin, Hyjin tonë.

Populli: Është punë e denjë dhe e drejtë.



Liturgjia Eukaristike

Lutja Eukaristike I: Prefacioni

Përnjëmend është punë e denjë dhe e drejtë, është detyrë e jona dhe burim shëlbimi të falemi nderit gjithmonë e gjithkund ty, o Zot, Atë i shenjtë, Hyj i gjithëpushtetshëm dhe i amshuar, nëpër Krishtin, Zotin tonë. Ai, për mëshirën e vet kundrejt gabimeve të njerëzve, u denjua të lindë nga Virgjëra; duke vdekur në kryq na liroi nga vdekja e amshuar, dhe, duke u ngjallur prej së vdekurish, na dhuroi jetën e pasosur. Dhe prandaj, bashkë me engjëj dhe kryengjëj, me frone dhe zotërues, dhe me të gjithë aradhen e ushtrisë qiellore, po këndojmë himnin e lavdisë sate duke thënë papushuar:

Shenjt, shenjt, shenjt Zoti, Hyji i gjithësisë. Qielli e toka janë plot me lavdinë tënde. Hosana në lartësitë qiellore. Bekuar qoftë Ai që vjen në emër të Zotit. Hosana në lartësitë qiellore. (SANCTUS)





Liturgjia Eukaristike

Lutja Eukaristike II: EPIKLESI

Kisha lut Hyjin Atë që të dërgojë Shpirtin e Shenjtë mbi bukën e mbi verën, që të bëhen, për fuqinë e Shpirtit të Shenjtë, Korpi dhe Gjaku i Zotit tonë Jezu Krishtit dhe që të gjithë ata që marrin pjesë në Eukaristi, të jenë një trup i vetëm e një shpirt i vetëm.

Meshtari: Me të vërtetë je shenjt, o Zot, dhe burim i çdo shenjtërie. Ty, pra, po të lutemi, shenjtëroi këto dhurata me hirin e Shpirtit që të bëhen për ne Korpi e + Gjaku i Zotit tonë, Jezu Krishtit.

Ai, kur vullnetarisht po pranonte mundimet, mori bukën, t'u falënderua, e theu, ua dha nxënësve të vet dhe tha:

LITURGJIA EUKARISTIKE: TRANSUBSTANCIACIONI

Ja fjalët e Jezu Krishtit që thuhën nga meshtari gjatë shugurimit të bukës e të verës, që bëhen realisht Korpi e Gjaku i Jezu Krishtit:

MERRNI E HANI TË GJITHË PREJ KËTIJ: KY ËSHTË KORPI IM QË DO TË FLIJOHET PËR JU.

MERRNI E PINI TË GJITHË PREJ TIJ: KY ËSHTË KELKU I GJAKUT TIM, I BESËLIDHJES SË RE DHE TË AMSHUAR QË DO TË DERDHET PËR JU E PËR TË GJITHË NJERËZITNË SHPËRBLIM TË MËKATEVE. BËNI KËTË NË PËRKUJTIMIN TIM.



LITURGJIA EUKARISTIKE: TRANSUBSTANCIACIONI

Për efikasitetin e fjalëve të thëna nga vetë Jezus Krishti, për fuqinë e Shpirtit të Shenjtë, për faktin që prifti vepron *in persona Christi Capitis*, pra në personin e Krishtit (Kokë), vetë Korpi dhe Gjaku i Jezus Krishtit bëhen sakramentalisht dhe realisht të pranishëm, nën speciet eukaristike të bukës e së verës dhe bëhet e pranishme sakrificat e tij e shenjtë, e ofruar në kryq një herë e përgjithmonë.



LITURGJIA EUKARISTIKE: TRANSUBSTANCIACIONI

- **Jezu Krishti bëhet prezent REALISHT edhe pse në mënyrë sakramentale**, pra jo të dukshme, jo materiale, por i fshehur pas shenjave të shenjta (të quajtura specie eukaristike) të bukës e të verës.
- Po ashtu, **aktualizohet, bëhet REALISHT e pranishme**, në mënyrë krejt të mrekullueshme e të padukshme për sytë e trupit dhe që mund të besohet vetëm nëpërmjet fesë, **sakrifica e shenjtë që Jezusi ka bërë në kryq për ne.**
- **Po a vdes prapë Jezusi?** Jo! Nuk vdes prapë, por po e njëjta dhe e vetmja sakrificë që Jezu Krishti ka bërë para 2000 vitesh në kryq për ne, në Jeruzalem në Golgota, **e njëjta dhe e vetmja sakrificë, riprezantohet para nesh (që do të thotë bëhet realisht e pranishme)**, sikur të ishim poshtë Kryqit të Jezusit në Golgota para 2000 e ca vitesh. Kjo mrekulli e vërtetë ndodh gjatë transubstanciacionit.



Liturgjia Eukaristike

ANAMNEZA

Meshtari: Misteri i fesë

Populli: Kumtojmë vdekjen tënde, o Zot, shpallim ngjalljen tënde, dhe presim ardhjen tënde me lumturi.

Po si është e mundur kjo gjë? Ky është një mister shumë i madh i fesë katolike, prandaj pas fjalëve të kushtimit të verës, Meshtari thotë: Misteri i fesë dhe ne përgjigjemi në atë mënyrë. Zoti është i plotfuqishëm dhe e dimë se për atë asgjë nuk është e pamundur, as një mrekulli e tillë si kjo për të cilën po flasim.



Liturgjia Eukaristike

Pastaj Liturgjia Eukaristike vijon me **ritin e lutjeve të ndërmjetësimit** në të cilat manifestohet se Mesha celebrkohet në bashkim me Kishën e tokës e të qiellit, me të gjallët e me të vdekurit, në bashkim me Papën, me Iveshkin e dioçezës, priftërinjtë e diakonët e tij e po ashtu në bashkim me gjithë Iveshkinjtë e botës dhe me kishat e tyre përkatëse.

RITI I KUNGIMIT

Gjatë Kungimit, i cili është i paraprirë nga lutja Ati ynë dhe nga shkëmbimi i shenjës së paqes, besimtarët marrin "*Bukën e engjëjve*" dhe "*Kelkun e shëlbimit*", pra Korpin e Gjakun e Jezu Krishtit.



Riti përfundimtar i Meshës së Shenjtë

Mesha përfundon me bekimin e meshtarit dhe me ritin e lëshimit ose dërgimit (sikur thamë kuptimi i fjalës Meshë në latinisht është dërgim)

Meshtari: Zoti qoftë me ju. Populli përgjigjet:

Dhe me shpirtin tënd.

Meshtari e bekon popullin duke thënë: Ju bekoftë Hyji i gjithëpushtetshëm, Ati e Biri + e Shpirti Shenjt.

Populli përgjigjet: Amen.

Pastaj diaakoni apo meshtari, me duar të bashkuara, me fytyrë prej populli, thotë: Mesha u krye: shkoni në paqe.

Populli përgjigjet: Falënderojmë Hyjin.



*Prezenca reale e Jezu
Krishtit në Eukaristi*

SI ËSHTË I PRANISHËM JEZUSI NË SAKRAMENTIN E KUNGIMIT?

- Nën speciet e bukës dhe të verës, pra në mënyrë të fshehur prandaj quhet ndryshe edhe sakramentalisht, Jezusi është prezent REALISHT, me Korpin (Trupin), Gjakun, Shpirtin e Hyjninë e tij.
- Është prezent trupi i ringjallur i tij, trupi i ashtuquajtur i lavdishëm.
- Substanca e bukës ndryshon dhe shndërrohet në Trupin e Krishtit, edhe pse nuk e shohim me sytë njerëzore, sepse nuk është prezent materialisht, po kjo nuk do të thotë që nuk është prezent REALISHT.

NË SAKRAMENTIN E KUNGIMIT, ËSHTË PREZENT JEZU KRISHTI I TËRË, NJERI DHE ZOT!

ËSHTË REALISHT DHE SAKRAMENTALISHT PREZENT, NËN SPECIET E BUKËS DHE TË VERËS.



**Po nqs është i pranishëm në bukën
realisht në tërësinë e tij (trup, gjak, shpirt
e hyjni), si është i pranishëm në verën?**

Në të dyja specie eukaristike (buka dhe
vera) është realisht prezent Jezu Krishti i
gjallë në tërësinë e tij.

**Prifti e ndan Ostien e shenjtë (bukën e
shuguruar) në disa pjesë (fragmente)
gjatë Meshës: a është prapë prezent
Jezusi në ata fragmente?**

Po. Nqs kemi nje Ostie te shuguruar
(pra një bukë që është shndërruar në Korpin
e Krishtit gjatë Meshës nga prifti) dhe e
ndajmë në shumë fragmente, në secilin
fragment është prezent Jezu Krishti i gjallë
dhe i tërë.





A ka ndonjë provë
mbi ekzistencën
reale të Jezusit në
këtë Sakrament?

Mrekullitë Eukaristike

Mrekullitë Eukaristike gjenden të listuara, të dokumentuara dhe të fotografuara në sitin e internetit www.miracolieucaristici.org, ide brilante e të lumit Carlo Acutis. Janë përshkruar rreth 136 mrekulli eukaristike dhe kjo shfaqje e këtij djaloshi italian tashmë po përshkon botën gjerë e mbarë e po përkthehet në gjuhë të ndryshme të botës.






Eukaristia është
autostrada ime
për në Qiell!

I lumi Carlo Acutis

Antonio Salzano, nëna e Carlo Acutis gjatë një interviste mbi Carlon:

«Carlo thoshte gjithnjë: Ne jemi më me fat se sa ata që kanë jetuar para 2000 vitesh pranë Jezusit, sepse ata për të parë Jezusin duhej të bënin kilometra të tërë sepse ishte e vështirë që ta arrinin, kurse neve na mjafton që të zbrezim në kishën më të afërt poshtë shtëpisë dhe kemi Jeruzalemin poshtë shtëpisë sonë: pra Zotin e pranishëm realisht».



«Nqs ne bënim një udhëtim, shqetësimi i parë i Carlos ishte: ku mund të gjej një kishë afër hotelit ku mund të marr pjesë në Meshë».



«Carlo thoshte
se pas çdo
Kungimi që
marrim nuk
jemi më të
njëjtët njerëz».



Mrekullitë Eukaristike

MREKULLIA EUKARISTIKE E LANCIANOS

Ka ndodhur ne Lancia te Italisë. Ne vitin 750 në kishën e Shën Françeskut, ndodhi që një ditë, ndërkohë që prifti po jepte Meshën, në momentin kur po thoshte fjalët “Ky është Korpi im...” e “Ky është Gjaku im pra në momentin e transsubstancionit, buka u bë me të vërtetë mish dhe vera u bë me të vërtetë gjak, per habinë e vetë priftit dhe te njerëzve të pranishëm.



Relikuari që mban reliket e Lancianos



Relike:
Indi I miokardit të zemrës



Relike:
5 koagulë të gjakut

Këto relike ruhen akoma edhe në ditët e sotme: jane një copë e vërtetë mishi, që e studiar më tej në detaj nga shumë studiozë ka dalë se është mish i vërtetë njeriu, i indit të miokardit të zemrës, dhe vazhdon të jetë I GJALLË. Për më tepër, gjaku është gjak i vërtetë njeriu, i grumbulluar ne 5 koagulë te ndryshëm. Gjaku është gjak i grupit AB, qe përkon me grupin e gjakut të njeriut të Sindones.

Këto e shumë të dhëna të tjera shkencor i ka nxjerë komiteti shkencor i caktuar nga OBSH, gjatë një pune prej 15 muajsh për më shumë se 500 ekzaminime mjekësore. Rezultati ka qenë: **Shkenca, e vetëdijshme për limitet e saj, ndalet para pamundësisë për të dhënë një shpjegim shkencor mbi fenomenin.**

MREKULLIA EUKARISTIKE E BOLSENËS

Një prift nga Praga, Dom Pjetri, që kishte ardhur për ca ditë në Bolsena të Italisë, po kremtonte Meshën e shenjtë në kishën e Shenjtes Kristina. Ai dyshonte fort mbi prezencën reale të Jezu Krishtit në Eukaristi. Ndodhi që atë ditë, që mrekullisht buka u shndërrua në mënyrë të dukshme në copë mishi që rridhte gjak!!!

Ca pika gjaku ranë mbi pëlhurën që ndodhej poshtë Osties së shndërruar në mish, mbi alterin ku jepej mesha. Pikërisht kjo pëlhurë ruhet sot e kësaj dite në Katedralen e Orvieto dhe akoma mund të shikohen pikat e gjakut të rëna nga Ostia në të, siç mund të shikohet në këtë foto (në të majtë).

Kjo mrekulli u analizua në detaj nga shkencëtarë të ndryshëm dhe nga teologë, ndër të cilët i madhi Shën Toma i Aquino dhe nga kjo mrekulli e paparë Papa i asaj kohe Urbani IV themeloi festën e Corpus Domini (festa e Korpit të Krishtit) që festohet zakonisht të dielën pas festës së Trinitës së Shenjtë.



Reliket e pëlures së gjakosur dhe të një pjese të dyshemese së gjakosur

MREKULLIA EUKARISTIKE E BUENOS AIRES

Kjo mrekulli ka ndodhur më 18 gusht të vitit 1996, në Buenos Aires, dhe e ka treguar vetë Papa Francesku, që në atë kohë ishte Ipushkëv ausiliar i Kardinalit Quarrancino.


Në atë ditë, Atë Alejandro Pezet po kremtonte Meshën në një kishë të një qendre tregtare dhe shikon një Ostie të hedhur përtokë në fund të Kishës, pra të profanuar.

Duke qenë se nuk mund ta konsumonte, e mori dhe e futi në një tas të vogël me ujë dhe e futi në tabernakull. Më 28 gusht, kur hapi tabernakullin, pa që Ostia ishte shndërruar në një substancë të përgjakur!

Doktor Frederic Zugiba që e analizoi deklaroi kështu:

“Materiali i analizuar është një fragment i muskulit kardiak që gjendet në faqen e ventrikullit të majtë, afër valvolave kardiake. Ky muskul është përgjegjës për tkurrjen e zemrës dhe gjendet në një gjendje të inflamuar dhe përmban një numër të madh rruazash të bardha. Kjo do të thotë që zemra ishte e gjallë kur është nxjerrë.

Hipoteza ime është që zemra ishte e gjallë pasi rruazat e bardha, nqs gjenden jashtë një organizmi, vdesin, sepse kanë nevojë për një organizëm të gjallë për t’i mbajtur. Prezenca e tyre pra na tregon se zemra ishte akoma e gjallë në momentin që kampioni është marrë. Për më tepër, rruazat e bardha kanë penetruar në ind, që do të thotë që zemra ka pësuar një stres shumë të rëndë, sikur njeriu që e ka patur këtë zemër të ishte rrahur mbi petk shumë rëndë».



MREKULLI EUKARISTIKE TË KOHËVE TË FUNDIT

1. Më 21 tetor 2006, ndodhi pikërisht **një mrekulli eukaristike në Tixtla të Meksikës**, gjatë një Meshe për një tërheqje shpirtërore ku një ostie fillon e rrjedh gjak. Rezultatet e ekzaminimeve janë pothuaj të njëjta me ato të lartpërmendurit: gjak njeriu, i grupit AB, i muskulit kardiak, me rruaza të bardha akoma të gjalla dhe gjaku ka dalë nga brenda Osties.

2. **Një tjetër mrekulli ka ndodhur në Sokolka të Polonisë**, edhe këtu në Ostien e shenjtë është gjetur një koagul gjaku, të cilën Mons. Ozorowski ka udhëruar që të analizohet nga shkencëtarët, ekspertët e universitetit të Bialystok. Profesori Stanislaw Sulkowski dhe profesoresha Maria Elżbieta Sobaniec-Łotowska, të dy anatomopatolog, morën një kampion nga koaguli për ta analizuar secili veç e veç dhe pasi e ekzaminuan me mikroskop optik dhe elektronik, dolën këto rezultate:

- Kampioni i marrë i përket indit të miokardit
- Ka në fibrat e miokardit shenja vuajtjeje, sikur organizmi të ishte pranë vdekjes.
- Fibrat miokardike dhe struktura e bukës azim janë të lidhura me njëri tjetrin në një mënyrë shkencërisht të pashpjegueshme.
- Pavarësisht nga koha që ka kaluar, as fibrat miokardike as buka nuk japin asnjë lloj shenje korruptimi ose degradimi, edhe pse nuk janë ruajtur me asnjë substancë fiksuese.

3. **Mrekullia Eukaristike e Legnicës (Poloni)** në kishën e Shën Jackës, gjatë meshës së Krishtlindjeve të vitit 2013, nga një Ostie e shenjtë e rënë përtokë pa qëllim del gjak. Gjaku si përherë është ekzaminuar nga një komitat shkencor, me rezultate të ngjashme me të lartpërmendurit: material i muskulit të miokardit, me gjak të grupit AB, me disa ndryshime të indit që ndodhin në mënyrë tipike gjatë një agonie.

Mrekullia Eukaristike e Tixtla



Mrekullia Eukaristike e Legnices



Mrekullia eukaristike e Sokolkes

KUR E NGA KUSH U THEMELUA SAKRAMENTI I KUNGIMIT?



- Është themeluar nga vetë Jezu Krishti gjatë Darkës së fundit.
- Shkruhet për themelimin e Eukaristisë në ungjillin sipas Markut, 14, 22-24; Mateu 26, 26-28; Luka 22, 19-20; në Letrën e parë drejtuar Korintasve, 11, 23-25.
- *"Zoti Jezus, atë natë që po tradhtohej, mori bukën, falënderoi, e theu dhe tha: "Ky është Trupi im -për ju. Bëjeni këtë në përkujtimin tim!" Po ashtu, pasi u krye darka, mori edhe këlkun e tha: "Ky Këlk është Besëlidhja e re në Gjakun tim. Bëjeni këtë, gjithashtu që të pini, në përkujtimin tim!" (Letra e parë drejtuar Korintasve, 11; 23-25).*


Në Eukaristi kemi prezencën reale të Jezu Krishtit me Trupin, Shpirtin, Gjakun e Hyjninë e tij, pra me pak fjalë Krishti i tërë, vetë Jezusi i tërë.


Që vetë Jezu Krishti i tërë do të bëhej prezent në Bukën që kushtohet nga Meshtari gjatë Eukaristisë, Jezusi vetë jua ka parathënë dhe premtuar disa dishepujve të tij kur ishte akoma gjallë në këtë tokë, që tregohet në ungjillin e Gjonit.



**Jezusi u thotë dishepujve se Ai do të jetë
"Buka e zbritur nga qielli" pasi ata i
kujtojnë bukën që Zoti u dha Izraelitëve
në shkretëtirë:**

"Çfarë shenje bën ti, - i thanë ata - që ta shohim e të besojmë? Cila është vepra jote? Etërit tanë hëngrën manën në shkretëtirë si shkruan edhe në Shkrim e shenjtë: 'U dha të hanin bukë prej qiellit. 'Jezusi iu përgjigj: "Përnjëmend, përnjëmend po ju them: Nuk jua dha Moisiu bukën prej qiellit, por Ati im jua jep bukën prej qiellit, atë të vërtetën: sepse buka e Hyjit është Ajo, që zbret prej qiellit dhe që i jep botës jetën."Atëherë i thanë: "Zotëri, na e jep vazhdimisht atë bukë!" Jezusi u përgjigj: "Unë jam buka e jetës. Kush vjen tek unë nuk do të ketë më kurrë uri, kush beson në mua, nuk do të ketë më etje. Ju thashë: më patë e prapë s'më besoni..." (Gjoni 6, 30-36).





*Dishepujt
skandalizohen
se Jezusi u thotë
"Buka që unë do
të jap është trupi
im"*

"Judenjtë murmurisnin kundër tij pse tha: "Unë jam buka që zbriti prej qiellit." Ata thoshin: "Vallë, a nuk është ky Jezusi, biri i Jozefit? Po, a nuk ia njohim babain e nënën? Si mund të thotë tani: 'Kam zbritur prej qiellit?' Jezusi iu përgjigj: "Mos murmurisni me njëri-tjetrin!... Unë jam buka e jetës. Etërit tuaj hëngrën manën në shkretëtirë dhe vdiqën. Kjo është buka që zbret nga qielli: që, kush ta hajë atë, të mos vdesë askurrë. Unë jam buka e gjallë që zbriti prej qiellit: nëse ndokush ha këtë bukë, do të jetojë për amshim. E buka që unë do ta jap është trupi im - për jetën e botës." Atëherë judenjtë filluan të grinden me shoqi-shoqin e thoshin: "Si mundet ky të na japë trupin e vet për ushqim?" (Gjoni 6, 41-52)



*Jezusi këmbëngul
mbi faktin që Ai
është buka e
zbritur nga qielli
dhe ai që nuk e
ha, nuk ka jetë!*

"Prandaj Jezusi u tha: "Përnjëmend, përnjëmend po ju them: nëse nuk e hani trupin e Birit të njeriut e nuk e pini gjakun e tij, nuk keni jetë në vetvete! Kush ushqehet me trupin tim dhe pi gjakun tim ka jetën e pasosur. Unë atë do ta ringjall në ditën e fundit. Sepse trupi im është ushqim i vërtetë e gjaku im është pije e vërtetë. Kush ushqehet me trupin tim dhe pi gjakun tim ai mbetet në mua dhe unë në të. Sikurse mua më dërgoi Ati i gjallë dhe unë jetoj për Atin, po ashtu edhe ai që më ha mua do të jetojë për mua. Kjo është buka që zbriti prej qiellit, jo porsia ajo që hëngrën etërit e vdiqën: kush ushqehet me këtë bukë do të jetojë në amshim." (Gjoni 6, 53-58)



*Disa dishepuj
largohen nga
Jezusi të
skandalizuar
nga fjalët e tij*

"Shumë prej nxënësve të tij, kur i dëgjuan këto fjalë, thanë: "I pakuptueshëm është ky mësim! Kush mund ta dëgjojë?" Kur Jezusi e hetoi se nxënësit e tij po murmurisnin lidhur me këtë mësim, u tha: "A po ju skandalizon kjo gjë? E po ta shihnit Birin e njeriut duke u ngritur atje ku ishte më parë... ? Shpirti është ai që jep jetën, trupi nuk vlen asgjë. Fjalët që unë ju thashë, janë shpirt dhe janë jetë. Por, janë disa ndër ju, që nuk besojnë" Sepse Jezusi e dinte që në fillim cilët ishin ata që nuk besonin dhe cili ishte ai që do ta tradhtonte. Dhe shtoi: "Prandaj edhe ju thashë se askush s'mund të vijë tek unë, po qe se nuk iu dhurua nga Ati." Që atëherë shumë prej nxënësve të tij u shmangën dhe nuk shkuan më me të." (Gjoni 6, 60-66)

Apostujt vendosin të qëndrojnë me Jezusin

"Atëherë Jezusi i pyeti edhe të Dymbëdhjetët: "A mos doni të shkoni ndoshta edhe ju?" Simon Pjetri iu përgjigj: "Te kush të shkojmë, Zotëri? **Ti ke fjalët e jetës së pasosur!** Ne besojmë dhe e dimë se ti je Shenjti i Hyjit!" (Gjoni 6, 67-69)



*Pra, nga ky episod i Ungjillit kuptojmë
se Eukaristia nuk është thjesht një
simbol i shenjtë, por me të vërtetë
Trupi i Jezus Krishtit të gjallë!*



KUR DUHET TË SHKOJMË NE MESHË?

- Është e detyrueshme shkojmë në Meshën e Shenjtë në ditën e dielë, pasi është ditë e urdhëruar nga Zoti për t'ju kushtuar Atij, duke qenë dita e ringjalljes së Zotit tonë Jezu Krishtit. Kisha ka caktuar që, nqs një njeri e ka vërtetë të pamundur të shkojë në Meshë të dielën, është e njëvlefshme me Meshën e së dielës Mesha vespertine e së shtunës, pra Mesha e së shtunës mbasdite. Po ashtu është e detyrueshme të shkojmë në Meshë në festat e urdhëruara.
- Nqs nuk shkojmë në Meshë ditën e dielë dhe në festat e Urdhëruara, të përcaktuara nga Kisha Katolike, pa patur ndonjë motiv shumë të rëndësishëm dhe që nuk varet nga vullneti ynë për të mos shkuar në Meshë, kryejmë mëkat të rëndë.





KUR MUND E KUR DUHET TË MARRIM KUNGIMIN?

➤ Kungimi mund të merret vetëm nqs përmbushim disa kushte:

Kungimi mund të merret vetëm pasi kemi rrëfyer mëkatet e rënda që mbajmë mend dhe që e dimë në ndërgjegje që i kemi bërë. NË ASNJË MËNYRË NUK DUHET MARRË KUNGIMI NË GJENDJE MËKATI TË RËNDË! Nqs marrim Kungimin në këtë gjendje, kryejmë sakrilegj, pra kryejme një mëkat të rëndë dhe i bëjmë dëm shpirtit tonë. Këtë na e thotë Shën Pali në Letrën e tij të parë drejtuar Korintasve 11, 27-29: *“Prandaj, kushdo ha bukën ose pi kelkun e Zotit padenjesisht, do të jetë fajtor i Trupit e i Gjakut të Zotit. Për këtë arsye secili më së pari ta shqyrtojë mirë veten e veç atëherë të hajë prej kësaj Buke e të pijë prej këtij Kelku. Sepse, kushdo ha e pi - në qoftë se nuk e dallon Trupin e Zotit prej ushqimeve të tjera - ha e pi dënimin e vet».*

Për të marrë Kungimin gjatë Meshës Kisha përcakton që nuk duhet ngrënë të paktën një orë përpara se te merret Kungimi. Mund te pihet ujë ose të merren ilaçe të domosdoshme. Ky rregull nuk është i vlefshëm për kategori më të ndjeshme si të sëmurët dhe ata që kujdesen për ta dhe të moshuarit.

➤ Kungimi mund të merret maksimumi dy here në ditë.

➤ **Kungimi duhet të merret të paktën një herë në vit për Pashkë** (gjithmonë pasi kemi rrëfyer mëkatet e rënda). Pra nqs nuk e marrim të paktën për Pashkë kryhet mëkat i rëndë.



Si të përgatitemi për Kungimin?

Është e nevojshme dhe tejet e këshillueshme (por jo e detyrueshme, pra nuk kryejmë mëkat nqs nuk bëjmë kështu) nga Kisha e nga të gjithë shenjtërit që të përgatitemi mirë përpara se të marrim Kungimin duke ardhur mundësisht pak përpara fillimit të Meshës për t'u mbledhur në vetvete, në heshtje, në qetësi të zemrës.

Është shumë e këshillueshme gjithashtu që të ndalemi pasi kemi bërë Kungimin, pas Meshës dmth, rreth të paktën 10/15 minuta, për të shijuar Jezun Krishtin e gjallë që vjen në zemrën tonë dhe për ta falenderuar e për t'i kërkuar atij çka na do zemra.

SI MUND TË MERRET KUNGIMI?

- Kungimi merret në gojë. Po ashtu, Kisha lejon që të merret Kungimi në dorë.
- Kur merret në dorë, besimtari duhet t'i prezantojë atij që i jep Kungimin të dyja duart, njëra dorë mbi tjetrën (dora e majtë mbi dorën e djathtë), përgjigjet "Amen" kur ministri i Kungimit thotë "Korpi i Krishtit" dhe bën një përkulje të lehtë. Atëhere, përpara Ministrit ose pak anash atij, e fut Ostien e kushtuar në gojë duke e marrë me gishtat e dorës. Secili të bëjë shumë kujdes që të mos ngelen ose bien fragmente të Osties.





ADHURIMI EUKARISTIK


- Duke qenë Jezu Krishti prezent realisht në Sakramentin e Eukaristisë dhe duke qenë Jezu Krishti Zot, atëhere Eukaristia adhurohet nga besimtarët.
- Praktika e Adhurimit Eukaristik është tejet e këshillueshme për të gjitha efektet e jashtëzakonshme që prodhon në shpirtin tonë. Kujtojmë fjalët e të lumit Carlo Acutis: “ Përpara diellit marrim ngjyrë, kurse përballë Eukaristisë bëhemi shenjt”.

CILAT JANE TË MIRAT QË MARRIM
NGA KUNGIMI?



Kungimi rrit afërsinë e lidhjen tonë me Jezu Krishtin

- “Banimi i Trinisë së Shenjtë»: Është të banuarit e Shpirtit të Shenjtë, që na e jep Jezusi pasi na e ka premtuar, brenda nesh, në shpirtin tonë. Duke qenë se ne kemi një Zot të vetëm, Një e Trini, aty ku është Shpirti i Shenjtë, është edhe Ati, është edhe Biri pra Jezu Krishti. Nqs në ne banon Shpirti i Shenjtë Zot, në ne banojnë patjetër edhe Ati Zot e Biri Zot, pra Trinia e Shenjtë, një i vetmi Zot banon në ne, brenda nesh. Ky banim garantohehet nga Jezusi në Gjoni 14, 23: *“Nëse ndokush më do, ai do të ma mbajë fjalën, Ati im do ta dojë, tek ai do të vijmë dhe tek ai do të banojmë.”*
- Këtë prani të Trinisë së Shenjtë në zemrën tonë, Kungimi në hir të Zotit e garanton dhe e rrit gjithnjë e më shumë. Këtë na e garanton vetë Jezusi, në Gjoni 6, 56: *Kush ushqehet me trupin tim dhe pi gjakun tim ai banon në mua dhe unë në të.*





Kungimi ushqen
shpirtin, sikur
ushqimi
material
ushqen trupin

- Kungimi i shenjtë, gjithmonë nqs bëhet në hir të Zotit pra pasi kemi rrëfyer mëkatet e rënda tek prifti, është ushqim i vërtetë për shpirtin, duke ruajtur, rritur e rinovuar hirin e marrë nëpërmjet Pagëzimit. Nqs ne nuk ushqehemi me këtë ushqim shpirtëror, shpirti ynë zbehet, dobësohet, sëmuret derisa pastaj vdes.
- Shpirti ynë sëmuret e vdes nga uria nqs nuk e ushqejmë! Dhe ja disa nga simptomat: egërsia, urrejtja, indiferenca, mosfalja, braktisja, izolimi, trishtimi, apatia, dëshpërimi deri në vrasje e vetëvrasje!
- Gjoni 6, 54-55: *"Kush ushqehet me trupin tim dhe pi gjakun tim ka jetën e pasosur. Unë atë do ta ringjall në ditën e fundit. Sepse trupi im është ushqim i vërtetë e gjaku im është pije e vërtetë".*

Na pastron nga mëkatet jo të rënda dhe na mbron nga mëkatet e rënda

- Eukaristia nuk na i fal mekatët e rënda; ato falen vetëm dhe ekskluzivisht në sakramentin e rrëfimit, por kungimi na mbron nga të rënit në mëkat të rëndë.
- Mëkatet jo të rënda nuk janë të detyrueshme të rrëfihen (edhe pse është e këshillueshme të rrëfihen) dhe mund të falen e purifikohen nëpërmjet kungimit.



Kungimi na bashkon me engjëjt, shenjtërit dhe të vdekurit tanë të dashur

- Duke qenë Jezu Krishti Zot dhe prezent me Hyjninë e tij në Kungimin dhe duke qenë të gjithë shenjtërit e engjëjt në Zotin, atëherë ne hymë në bashkësi edhe me ato gjatë Kungimit. Pra ne gjatë Kungimit nuk hymë në bashkim, në kontakt shpirtëror, në intimitet të zemrës vetëm me Jezu Krishtin në tërësinë e tij, por edhe me të gjithë shërbëtorët e tij që gjenden pranë tij: e para me Zojën Mari Hyjlindëse, me Shën Jozefin fatin e saj dhe me të gjithë engjëjt e shenjtërit.
- Falë realitetit të ashtuquajtur Korpi Mistik i Krishtit, që jemi të gjithë ne, të gjallët në tokë, banorët e qiellit dhe banorët e Purgatorit, ne hymë në bashkim edhe me të vdekurit tanë të dashur që janë akoma në Purgator duke u pastruar.



Kungimi na rrit dashurinë ndaj Zotit, ndaj vetes dhe ndaj tjetrit

- *Zoti është dashuri*, na thotë Gjoni në Letrën e parë të tij, 4, 8; dhe duke qenë ky sakrament vetë Jezu Krishti që është Zot, ky sakrament gjë tjetër nuk është përveçse dashuri.
- Rrit dashurinë tonë ndaj Zotit, ndaj vetvetes dhe ndaj vëllezërve e motrave ky.
- Na ndihmon të falim ato që na kane ofenduar e lënduar edhe rëndë, na ndihmon të shërbejmë të tjerët sidomos më të varfrit e ata që kanë më shumë nevojë, na jep forcën për të dashur edhe armiqtë tanë; na jep forcën për të dashur e për të falur veten, për të patur më shumë mëshirë për veten e për të tjerët, për të jetuar jetën e përditshme me dashuri dhe me paqe, na jep forcën për të mos jetuar vetëm për veten dhe qëllimet tona egoiste, por edhe për të tjerët.





**KUNGIMI E FETË E TJERA TË
KRISHTERA**

Kungimi në fenë ortodokse

- **Kisha ortodokse**, edhe duke mos qenë në bashkim të plotë me Kishën Katolike, i kanë të vlefshme të gjitha sakramentet, pra edhe sakramentin e Kungimit. Kjo sepse ato kanë të përbashkët me Kishën Katolike vazhdimësinë e apostujve dhe vlefshmërinë e sakramenteve. Sakramentet celebren të vlefshme vetëm kur një Kishë, si ajo Katolike dhe Ortodokse, njohin dhe ruajnë vazhdimësinë e apostujve.
- Kjo do të thotë që nëq nëse si katolikë gjendemi në një situatë urgjence ku nuk kemi asnjë kishë katolike afër, Kisha katolike na lejon që të marrim sakramentet (pra të rrëfememi, të marrim pjesë në Meshë e të kungohemi) në një kishë ortodokse.

Kungimi në fenë protestante

- **Përsa i përket Kishave të Reformës, pra kishat protestante,** duke qenë se këto kisha nuk kanë vazhdimësinë apostulike, pra nuk kanë sakramentin e urdhrit, **nuk e kanë sakramentin e Kungimit.**
- Ato bëjnë atë që e quajnë Darkë e Shenjtë, një përkujtim i fjalëve e i sakrificës së Jezusit, pra një përkujtim, jo në kuptimin dhe përmbajtjen e mirëfilltë siç e ka Kisha Katolike, pasi mungon prezenca reale e Jezu Krishtit në sakramentin e Kungimit dhe mungon aktualizimi real i Sakrificës së vetme dhe unike të Jezu Krishtit në kryq. Kuptohet që nuk mund të merret Kungimi në kishat protestante, duke mos ekzistuar ai fare në këto Kisha.
- **Të njëjtat fjalë vlejné për Kishat Anglikane.**



POEZI E ATË JAIME BONET,
THEMELUESI I
KOMUNITETIT "VERBUM
DEI"

këndon misionari Pablo Muñoz

Eukaristia e Maria

Jezusi im i dashur, Nëna ime e shtrenjtë

Ju të dy në Ostie dua të puth

Ju të dy në një ndjej që komunikoni

Esenca e të dyve në një ushqim të vetëm

Me dy "hërplotë" është Ostia e bashkuar

Dy flakë Dashurie në një zjarr të vetëm

Ëmbëlsia e të dyve në një ushqim të vetëm

Dashuri e dyfishtë, Dashuri jetësore!

Nëna dhe i Biri, Ostie e shuguruar

E të dyve, Mishi dhe Gjaku në një efuzion të vetëm

Së bashku me mua jemi tre jetë të bashkuara

Jeni Ostie e pandashme, Maria e Jezus.

Mish e Gjak i të dyve në një efuzion!



FALEMINDERIT!